

# **Garapen bidean dauden itsasoko energia teknologia berriztagarriak erakusteko eta balioztatzeko inbertsioen aldeko laguntza programa**

## **Oinarriak**

**- 2020. urtea -**

## Garapen bidean dauden itsasoko energia teknologia berriztagarriak erakusteko eta balioztatzeko inbertsioen aldeko laguntza programa

### 1 Programaren xedea, deskribapena eta diru laguntzen ezaugarriak

1.1. Eusko Jaurlaritzako Ekonomiaren Garapen eta Azpiegitura Sailak, Eusko Jaurlaritzaren energia politikaren alorrean ezarritako helburuekin bat etorriz, 2030eko Euskadiko Energia Estrategian (3E-2030) dokumentuan zehazten denez, behar den bultzada publikoaren bidez, honako misio hau gauzatzen laguntzen du: energiaren kontsumoan eraginkortasuna areagotzen, energia sistema lehiakorrago, seguruago eta iraunkorrago lortzen, ingurumen eragina edo inpaktua gutxitzen, kontsumitzeko energia gutxiago erabiltzen eta kanpoko baliabideen mendekotasuna murrizten.

Horiek horrela, itsasoko energia teknologiak berriztagarriak bultzatzeari begira, oinarri hauek arautzen dituen laguntzen programa honen helburu nagusia da Euskal Autonomia Erkidegoaren (aurrerantzean “EAE”) barruan garapen bidean dauden itsasoko energia teknologia berriztagarriak erakusteko eta balioztatzeko inbertsioak sustatzea (aurrerantzean “laguntza programa”).

Programa honi esleitutako diru-saila edo aurrekontua **bi milioi eta bostehun mila (2.500.000) eurokoa** da; betiere, horretarako Energiaren Euskal Erakundearen (aurrerantzean “EEE”) aurrekontuetan ezarritako kredituaren arabera, 2019-2021 aldirako. Nolanahi ere, 2019. urteari dagokion diru-saila edo aurrekontua **bostehun mila (500.000) eurokoa** da.

- 1.2. Dirulaguntza orokorrez diharduen azaroaren 17ko 38/2003 Legearen 8.1 artikulua arabera (aurrerantzean “LGS”), 2020ko urtarrilaren 3an egindako bileran, Energiaren Euskal Erakundearen (aurrerantzean “EEE”) Zuzendaritza Kontseiluak erabaki zuen, besteak beste, 2020ko EEEn Dirulaguntzen Plan Estrategikoa onartzea.
- 1.3. Laguntza programa honen barruan ematen diren diru laguntzak itzuli beharrik gabeko diru laguntzak dira. Diru laguntzen programaren deialdi honek badu aurrekontu-kreditu nahikoa EEEn aurrekontuetan, 2020ko ekitaldirako.
- 1.4. Laguntza programa hau eta bere aplikazioaren ondorioz ematen diren diru laguntzak bateragarriak diren barne-merkatuarekin, Europar Batasuneko Funtzionamendu Itunaren 107. artikulua 3. atalean xedatzen denari jarraiki, Itun horren 108. artikuluan adierazten den batzordeari jakinarazi beharretik salbuetsita egonik.

Estatuaren diru laguntza politiken oinarritzko lanabesa da Salbuespen edo Exentzio Erregelamendua, Europar Batzordeak barne-merkatuarekin bateragarriak diren ustezko diru laguntzak identifikatzen dituen neurrian, alde aurretik baimena eman beharrik gabe. Era horretan, ustezko diru laguntza horien legezketasuna soil-soilik Erregelamenduaren eskakizun materialak betetzearen eta izapide edo tramite formal batzuk aurrera eramatearen menpe dago. Salbuespen edo Exentzio Erregelamenduak, 2014ko uztailaren 1etik aurrera indarrean dagoenak, jakinarazpen salbuespena xedatzen du hamahiru diru laguntza kategoriarako; gainera, horietako bakoitza baimendutako erregimen kopuru handi batean azpizatitu edo banatzen da. Salbuespen edo Exentzio Erregelamenduak eskualde edo erkidego mailako helburua duten diru laguntzak babesten ditu, enpresa txiki eta ertainei (ETE) laguntzak, ETEak finantzaketara iristeko laguntzak, ikerkuntza, garapen eta berrikuntzaren aldeko laguntzak.

Laguntza programa honetan aurreikusten diren diru laguntzak, izaera orokorarekin, Batzordearen 2014ko ekainaren 26ko UE 651/2014 Araudiaren barruan daude (aurrerantzean **651/2014 Erregelamendua**), zenbait diru laguntza mota barne-merkatuarekin bateragarriak jotzen dituena, Itunaren (DOUE 2014 L 187) 107. eta 108. artikuluen aplikazioaren ondorioz, eta bereziki, jarraian aipatzen diren artikuluen arabera:

**25. artikulua:** “Ikerketa eta garapen proiektuei diru laguntzak”.

1.5. Laguntza programa honen arabera, 651/2014 Erregelamenduaren I. eranskinaren 1. eta 2. artikuluetan xedatzen denez, enpresatzat haxe hartuko da:

*“Jarduera ekonomiko bat gauzatzen duen edozein entitate enpresa kontsideratuko da, bere forma juridikoa edozein izanda ere (merkatu jakin batean ondasunak eta zerbitzuak emateko edozein jarduera dela ulertuta). Bereziki, enpresatzat hartuko dira, gizabanako edo familia bezala, eskuz egindako edo beste edozein jarduera gauzatzen duten entitateak; erregulariki jarduera ekonomiko bat gauzatzen duten pertsonen elkarteak eta asoziazioak ere enpresatzat hartuko dira.”*

*Enpresa txiki-txikien, txikien eta ertainen kategoriaren (ETE) barruan izateko, enpresek honako baldintza hauek bete behar dituzte: 250 langile baino gutxiago izatea eta urteko negozio bolumena 50 milioi eurotik gora ez izatea, edo urteko balantze orokorra 43 milioi eurotik gora ez izatea.*

*ETE kategorien arabera honako ezaugarriak dituen enpresa hartzen da enpresa txikitzat: 50 langile baino gutxiago izatea eta urteko negozio bolumena edo urteko balantze orokorra 10 milioi eurotik gora ez izatea.*

1.6. Laguntza programa honen arabera, 651/2014 Erregelamenduaren I. eranskinaren 3. artikuluan xedatzen denez, haxe hartuko da kontuan:

1. «Enpresa autonomo» bat da, baldin eta ezin bada enpresa elkartzat hartu, 2. atalaren arabera, ezta lotutako enpresatzat ere, 3. atalaren arabera.

2. «Enpresa elkartuak» dira lotutako enpresatzat jo ezin diren enpresa guztiak, 3. atalaren arabera, eta horien artean honako erlazio hau dago: enpresa bakar batek (partaidetzako enpresa) dauka bera bakarrik, edo lotutako enpresa batekin edo gehiagorekin, 3. atalaren arabera, beste enpresa baten (partaidetzako enpresa) kapitalaren edo boto eskubidearen % 25 edo gehiago.

Aurrekoa gorabehera, enpresa batek autonomoaren kalifikazioa izan dezake, enpresa elkaturik gabe, gehieneko muga den % 25 izan edo gainditzen bada ere, baldin eta jarraian aipatzen diren inbertsio kategoriak badira, eta horien artean, banaka edo batera, eta aipatutako enpresaren artean, 3. atalean azaltzen diren erlazioak edo loturak ez badaude.

a) Partaidetzako sozietate publikoak, arrisku kapitalen sozietateak, pertsona fisikoak, edo arrisku kapitalean (inbertsiogile probidentzialak edo business angels delakoa) inbertsioei lotutako jardueraren bat egiten duten pertsona fisikoen taldeak eta burtsan kotizatzen ez duten enpresetan funts propioak inbertitzen dituztenak; beti ere, aipatutako inbertsiogile probidentzialen inbertsioa enpresa berean 1.250.000 euro baino txikiagoa bada.

b) Irabazi asmorik gabeko unibertsitateak edo ikerketa zentroak.

c) Inbertsiogile instituzionalak, eskualde edo erkidegoen garapenerako funtsak barne.

d) Urtean 10 milioi euroko aurrekontua baino txikiagoa eta 5.000 biztanletik behera duten toki agintari autonomoak.

3. «Lotutako enpresak» izango dira, baldin eta haien artean honako erlazioren bat izaten bada:

a) Enpresa batek beste enpresa baten akziodunen edo bazkideen boto eskubideen gehiengoa badu.

b) Enpresa batek beste enpresa baten administrazio, zuzendaritza edo kontrol organoko kide gehienak izendatzeko edo kentzeko eskubidea badu.

c) Enpresa batek beste enpresa batean eragin nagusia edo menderatzailea ezartzeko eskubidea badu, harekin sinatutako kontratu baten ondorioz, edo bigarren enpresaren estatutu-klausularen batek eraginda.

d) Enpresa batek, beste enpresa baten akzioduna edo elkartua, bigarren enpresaren akziodun edo bazkideekin izenpetutako akordio baten bidez, haren akziodunen edo bazkideen boto eskubideen gehiengoa kontrolatzen badu bakarrik.

*Eragin nagusirik ez dagoela pentsatuko da, baldin eta 2. ataleko bigarren paragrafoan aipatzen diren inbertsiogileek enpresaren kudeaketan inplikazio zuzenik edo zeharkakorik ez badute, akziodunak diren aldetik, dagozkien eskubideei uko egin gabe.*

Enpresek lehen paragrafoan aipatzen diren erlazioetako bat izanez gero, beste enpresa baten edo batzuen bitartez, edo 2. atalean azaltzen diren inbertsiogileekin, lotutako enpresatzat ere hartuko dira.

Era berean, lotutako enpresatzat joko dira, baldin eta aipatutako erlazioaren bat badute pertsona fisiko baten bidez edo elkar hartutako pertsona fisikoaren talde baten bitartez, eta enpresa horien jarduna edo zati bat erreferentzia-merkatu berean edo antzeko merkatuetan gauzatzen bada.

«Antzeko merkatutzat hauxe hartuko da: beste merkatu baten aurreko edo atzeko posizioan dagoen produktu edo zerbitzu baten merkatua.

4. 2. ataleko bigarren paragrafoan aipatzen diren kasuak izan ezik, enpresa bat ez da ETEtzat joko, baldin eta haren kapitalaren edo boto eskubidearen % 25 edo gehiago, zuzenean edo zeharka, banaka edo batera, erakunde publiko baten edo gehiagoren kontrolpean badaude.

5. Enpresek beren kalifikazioaren inguruko deklarazio bat egiteko aukera izango dute, autonomia, elkartua edo lotutako enpresa den adieraziz; baina 2. artikuluan deskribatzen diren mugei lotutako datuez ere. Kapitalaren banaketa dela eta, zehaztasun handiz ez badago jakiterik noren esku dagoen, deklarazio hori egin dezakete. Horrela bada, fede onez edo onustez egingo du deklarazioa enpresak, presuntzio legitimoz, haren kapitalaren % 25 edo gehiago ez dela beste enpresa baten jabetzakoa, edo haien artean lotutako enprekin batera daukala. Nolanahi ere, deklarazio horiek ez dute salbuesten Estatu edo Europa mailako araudiek ezartzen dituzten kontrolak eta egiaztapenak egitetik.

1.7. Garapen bidean dauden teknologiak erakusteko eta balioztatzeko laguntzen deialdi honen xedea garapen teknologikoak erakusteko eta balioztatzeko jardunei bultzada ematea da, itsasoko energia berriztagarrien eremuan, betiere 651/2014 Erregelamenduan ikerketa- eta garapen-proiektuetako garapen esperimentaltzat jotzen den horretan sartzen badira.

- 651/2014 Erregelamenduaren 2.86 artikuluan ezarritakoaren arabera, garapen esperimentaltzat honako hau da hartuko da: zientziaren, teknologiaren, enpresaren eta abarren esparruetako jakintzak eta teknikak (aurretik existitzen zirenak) eskuratzea, konbinatzea, itxuratzea eta erabiltzea, produktu, prozesu edota zerbitzu berrien, aldatuen edo hobetuen plan eta egitura edota diseinuak egiteko xedearekin. Barnean hartu ahal izango ditu, esate baterako, produktu, prozesu eta zerbitzuen kontzeptuen definiziorako, plangintzarako eta dokumentaziorako beste hainbat jardura.

Laguntza programa honen arabera, garapen esperimentalak prototipo eta proiektu pilotuak garatzea ere barne har dezake, produktu, prozesu edo zerbitzu berrien edo hobetuen saiakuntza eta balioztatzea, funtzionamenduaren baldintza errealak diren ingurune adierazgarrietan, baldin eta helburu nagusia hobekuntza tekniko berriak ekartzea bada guztiz sendotua ez dauden produktu, prozesu edo zerbitzu horiei; prototipo eta edo proiektu pilotuen garapena ere diruz lagundu daitezke, ezinbestean, azken merkataritza-produktua denean eta bere fabrikazioa soilik erakusketa- eta balioztatze-helburuetarako garestiegia denean.

Garapen esperimentalak ez ditu barne hartzen produktuetan, produkzio-lerroetan, fabrikazio prozesuetan, existitzen diren zerbitzuetan eta martxan dauden bestelako jardueretan egindako ohiko edo aldizkako aldaketak, horrelako aldaketek hobekuntzak eragin baditzakete ere.

- Erakusketa-jardunak honako hauek dira: teknologia, sistema edo metodo baten proba esperimentalak egiteko diren jardunak, errealitateak ahalik eta hurbilen dauden baldintzetan, gerora merkatuan txertatzeko asmoz.
- 651/2014 Erregelamenduaren 2.90 artikuluan ezarritakoaren arabera, lankidetzak efektibotzat hauxe hartuko da: gutxienez bi alde independenteren arteko lankidetzak, ezagutzak edo teknologia trukatzeko, edo helburu bateratua lortzeko lan banaketan oinarrituta, parte hartzen duten aldeek, elkar hartuta eta elkarlanean, proiektuaren nondik norakoa zehazten dutelarik haren aplikazioan laguntzen dute eta arriskua eta emaitzak partekatzen dituzte; alde batek edo aldeetako batzuk proiektuaren kostu guztiak jaso ditzakete, eta, hartara, beste alde

*batzuei lagundu arrisku finantzarioak ez hartzen; kontratu bidezko ikerkuntza eta ikerkuntza zerbitzuak ematea ez dira lankidetzat jardueratzat hartuko.*

- 651/2014 Erregelamenduaren 2.95 artikuluan ezarritakoaren arabera, berrikuntza sustatzeko zerbitzutzat hauxe hartuko da: lokalak, datu-baseak, liburutegiak, merkatu-ikerkuntzak, laborategiak, kalitate-etiketatzeari, saiakuntzak eta ziurtapena; betiere, produktu, prozesu eta zerbitzu eraginkorrak garatzeko asmoz.

**1.8.** Era berean, laguntza programa honen arabera, diru laguntza jasoko duten 651/2014 Erregelamenduaren barruko proiektuek erakutsi beharko dute laguntza programa honek ondorio sustatzaile edo pizgarria duela (651/2014 Erregelamenduaren 6.2 artikulua). Ondorio horietarako, diru laguntzek ondorioa sustatzailetzat hartzeko, kontuan hartu beharko dira baldintza hauek:

- Laguntza programa honen arabera, proiektuari edo jarduerari ekin aurretik, onuradunak diru laguntza eskatu badu, eta eskaera horrek, gutxienez, 651/2014 Erregelamenduaren 6.2 artikuluan xedatutako informazioa badu.

Beraz, diru laguntza eskaera egin aurretik hasitako proiektuen edo lanen eskabideak ez dira onartuko, eta proiektuen edo lanen hasieratzat joko da 651/2014 Erregelamenduaren 2(23) artikulua definizioa.

## **2. Onuradunak**

**2.1.** Laguntza programa honek arautzen dituen diru laguntzen onuradunak hauexek izan daitezke:

- a) Izaera pribatu edo publikoko pertsona juridiko guztiak, diru laguntza programa honen 4. oinarrian zehazten diren jardueraren bat gauzatzen badituzte EAEn.
- b) Izaera pribatu edo publikoko nortasun juridikorik ez duten partzuergoak, enpresen taldeak edo elkarteak, LGSen 11. artikuluari jarraiki; laguntza programa honen 4. oinarrian zehazten diren jarduerak aurrera eramaten badituzte EAeko lurraldean. Izaera pribatu edo publikoko nortasunik ez duten pertsona fisiko edo juridikoen elkarteak direnean, onuraduntzat joko da nortasunik ez duen elkartea ez ezik, hura osatzen dute kide guztiak ere, eta haietako guztiei eta bakoitzari aplikatuko zaizkio oinarri hauetan aurreikusten diren onuradunen eskakizun arautzaileak.

Horrelako kasuetan, espreski adierazi beharko da, eskabidean nahiz diru laguntza emateko ebazpenean, elkarteren kide bakoitzak hartutako gauzatze konpromisoak, baita horietako bakoitzari aplikatu behar zaion diru laguntzaren zenbatekoa ere.

Aipatutako eskakizunez gainera, elkarteek bete beharko dituzte LGSen (11.3 eta 13.2 art.) eta Euskadiko Ogasun Nagusiaren Antolarauei buruzko Legearen Testu Bateginaren (aurrerantzean, 1/1997 Legegintza Dekretua) 44. artikuluan xedatutako betebeharrak, eta azaroaren 17ko 38/2003 Diru Laguntzen Lege Orokorren (aurrerantzean, LGS) 39. eta 65. artikuluetan ezarritakoarekin bat etorri, elkartea ezin izango da desegin aurreikusitako preskripzio epea igaro arte.

**2.2.** LGSen 13. artikuluan eta 1/1997 Legegintza Dekretuaren 50. artikuluan xedatutakoarekin bat etorri, honako pertsona edo entitate hauek izan daitezke onuradunak: diru laguntza emateko eskatzen diren egoeran daudenak, edo oinarri hauetan eta diru laguntzen deialdian aurreikusten diren baldintzak betetzen dituztenak.

Erakundeek, onuraduna izateari begira, debekurik ez dutela justifikatzeko honako era honetan egin daiteke: LGSen 13.7 artikuluan eta 1/1997 Dekretu Legegilearen 50.6 artikuluan aurreikusten diren prozeduren bitartez.

**2.3.** Pertsona onuraduntzat jotzeko ezinbesteko baldintza izango da, diru laguntza eman aurretik zein diru laguntza eman gero egoera edo baldintza horretan jarraitu ahal izateko, zergen eta gizarte segurantzaren inguruko betebeharrak edo ordainketak eguneratuak edukitzea, eta hala badagokio, diru laguntzak itzuli behar izateagatik betebeharren ordainketak ere.

#### 2.4. Honako hauek ezin izango dira onuradunak izan:

- a) 1/1997 Dekretu Legegilearen 50.5 artikuluan eta LGSen 13.2 artikuluan adierazten diren egoeraren batean dauden eskatzaileak, baita zigortuta daudenak, administratibo edo penalki, diru laguntza edo laguntza publikoak lortzeko aukera galarazita dutenak, edo debekuren bat indarrean dutenak eta horretarako gaitasunik gabe uzten dietenak ere.
- b) Eusko Legebiltzarrak onartu zuen Herrialde Pobretuekiko Justizia eta Elkartasunerako Gutuna, abenduaren 28ko 14/2007 Legea betez, enpresaren helburu sozialen edo jarduketan artean, osorik edo aldez, armen ekoizpen merkaturatze eta finantzaketa bada.
- c) 651/2014 Erregelamenduaren 1. artikuluan 4a) eta 4c) ataletan xedatzen denari jarraiki:
  - Berreskuratzeko agindu baten zain dauden enpresak, aldez aurretik Batzordeak emandako erabakiaren ondoren, diru laguntza barne-merkatuarekin legez kanpoko edo bateraezina adierazten duena.
  - Krisian dauden enpresak, 651/2014 Erregelamenduaren 2. artikuluan 18. atalaren arabera.

### 3. Programaren aurrekontua eta eskabideak aurkezteko epea

Programa honi esleitutako diru-saila edo aurrekontua **bi milioi eta bostehun mila (2.500.000) eurokoa** da; betiere, horretarako, EEEren aurrekontuetan ezarritako kredituaren arabera, 2020-2022 aldirako. Nolanahi ere, 2020. urteari dagokion diru-saila edo aurrekontua **bostehun mila (500.000) eurokoa** da.

2020ko ekitaldian guztizko diru laguntza kantitatea ez da 500.000 eurokoa baino handiagoa izango. 2021ko eta 2022eko ekitaldi bakoitzerako esleitzen zaion diru kantitatea 1.000.000 eurokoa da.

Laguntzen programa honen arabera, Euskal Herriko Agintaritza Aldizkarian (aurrerantzean "EHAA") iragarkia argitaratzen den egunaren biharamunean hasiko da eskabideak aurkezteko epea programa honen kontura, eta programari esleitutako diru-saila edo aurrekontua amaitzen edo agortzen denean amaituko da.

Nolanahi ere, aipatutako aurrekontua agortu zein ez agortu, 2020ko urriaren 31n izango da azken eguna diru laguntza eskabideak aurkezteko.

Epeak zenbatzeari begira, urriaren 1eko 39/2015 Legearen 30. artikuluan xedatutakoa beteko da, Herri Administrazioen Administrazio Prozedura Erkideaz diharduena (aurrerantzean **39/2015 Legea**).

Aurrekontuaren agortzearen berri emango da EHAAn zein Interneteko EEEren helbide honetan: <http://www.eve.eus>.

Eskabideak edo eskaerak lehendik aurkeztuta egon arren, osoak eta bideratzen, eta programari urte bakoitzerako esleitutako diru saila edo aurrekontua amaitzeagatik diruz ezin bazaie lagundu, bazter egingo dira, EEEko zuzendari nagusiak emango duen ebazpenaren bidez, bukatu aurretik aurrekontua handitzea erabaki ezean, eta azken kasu hau gertatuz gero, bideratzen edo tramitatzen jarraituko da.

### 4. Diruz lagunduko diren jarduerak eta diru laguntzaren zenbatekoa

Laguntza programa honen kontura diruz lagunduko diren energia eraginkortasunaren alorreko jarduerak Oinarri hauetako 4. atalean zehazten dira; jarduera horiek EAEko lurralderen batean egingo dituzte onuradunek eta honako data hauen artean gauzatu eta fakturatu beharko dira: Laguntza programa honetaz baliatzeko eskabidea aurkeztean den egunaz geroztik 2020ko abenduaren 31ra (651/2014 Erregelamenduaren 2.(23) artikulua). 2021ko eta 2022eko ekitaldietarako, berriz, onartuko den eskaera bakoitzean azalduko den urteko faseei jarraiki, jarduerak honako data hauen artean gauzatu eta fakturatu beharko dira: dagokion ekitaldiko urtarilaren 1etik ekitaldi bereko abenduaren 31ra.

Programa honen kontura diruz lagundu daitezkeen energia eraginkortasunaren alorreko jarduerak hauexek dira:

- a. Proba esperimentalak erakusteko eta balioztatzeko fasean olatu-energia hartzeko prototipoak eskala errealean edo errealetik hurbileko eskalan dauden gailuak.
- b. Proba esperimentalak erakusteko eta balioztatzeko fasean aerosorgailuen zimendu flotagarrien prototipoak eskala errealean edo errealetik hurbileko eskalan dauden gailuak.
- c. Proba esperimentalak erakusteko eta balioztatzeko fasean itsas aerosorgailuen prototipoak eskala errealean edo errealetik hurbileko eskalan.
- d. Proba esperimentalak erakusteko eta balioztatzeko fasean, **4. oinarri honetako a), b) eta c)** ataletan deskribatu ditugun prototipoen ekipo laguntzaile edo osagarrien prototipoak.
- e. **4. oinarri honetako a), b), c) eta d)** ataletan adierazten diren jardueraren batekin zerikusia duten proiektuak koordinatzea.

Jarduera guztiak itsaso zabaleko saiakuntza azpiegiturretan egin beharko dira, betiere EAEn kokatuta egonik. Proiektuak era hauetan aurkeztu ahal izango dira:

- ✓ **Banako proposamena:** Entitate edo erakunde bakarrak aurkeztua.
- ✓ **Lankidetzako proposamena:** Nortasun juridiko ezberdina duten zenbait erakunderen parte-hartzearekin garatzen den proiektua; erakunde horien arteko harremanak kontratu, hitzarmen edo akordio bidez gauzatzen dira, eta bertan bakoitzaren eskubide eta betebeharrak xedatuta daude. Ildo horretatik, lankidetzako proposamena izateko, gutxienez bi erakunde independentek parte hartu behar dute.

Diruz lagunduko den jarduera bakoitzak, gainera, saiakuntza egin behar den **itsaso zabaleko saiakuntza azpiegituraren aldetik onarpen-konpromisoa** adierazi edo azaldu beharko du.

Proiektuak merkaturatzera bideratu behar dira, konponbide berritzaileak aurkeztu behar dituzte eta, errepikagarri eta eskalagarriak izan behar dute. Saiakuntzan parte hartu behar duten prototipoek I+Gko fase baten babesa dutela frogatu beharko dute proiektuetan, hainbat eskala operazionalan saiakuntzak eginda instalazio ezagun eta ziurtapendunetan; baita proiektu bakoitzaren diseinuak, errendimenduak eta kostuak egiaztatu daudela ere frogatu beharko dute.

**4. oinarri honetako a), b), c) eta d)** ataletan aipatutako jarduerak kostu lagungarriaren %25eko diru laguntza izango dute. **4. oinarri honetako e)** atalean aipatutako jarduerak, berriz, kostu lagungarriaren %10eko diru laguntza izango dute (ikus **5. oinarriko 5.1 atala**, langileen gastuak diharduen paragrafoa).

## 5. Kostu lagungarria

### 5.1. Kostu lagungarriaren mugak

- **4. oinarrian** azaltzen diren jarduerak diruz laguntzeko, ikerketa eta garapen proiektuen kostu lagungarriak ikerketa eta garapen kategoria espezifiko banari esleituko zaizkio (ikus **4. oinarriko a), b), c) eta d) atalak**).
- **4. oinarrian** azaltzen diren jardueren diru laguntzari dagokionez, kostu lagungarritzat honako kostu eta gastuak hartuko dira:
  - Tresneria eta materialen kostuak, diruz lagunduko den proiekturako erabiltzen diren neurrian eta aldian zehar. Tresneria eta materialak erabiltzen ez badira beren bizitza erabilgarri osoan proiektuaren garapenerako, haren iraupenari dagozkion amortizazio-kostuak hartuko dira soil-soilik kostu lagungarritzat. Orokorrean onartzen diren kontabilitate printzipioen arabera kalkulatu dira kostu horiek; hau da, prototipoen proba esperimentalak egiteko beharrezkoa diren kostuak, hala nola ainguratzea eta zilbor-kablea, besteak beste, eta prototipoen berezko kostua alde batera utzita geratuko da espreski.
  - Diru laguntza programa honen arabera, kontratu-ikerketeki, jakintza teknikoei eta kanpo-iturrien lizentzia bidez merkatu-prezioetan erositako edo lorturiko patenteei dagozkien

kostuak, betiere eragiketa erabateko lehiako baldintzetan eta kolusio-elementurik gabe egin bada. Era berean, betiere proba esperimentalak egiteari begira izanez gero, ikerketa-jarduerari soilik bideratutako aholkularitza-kostuak eta zerbitzu baliokideen kostuak ere diruz lagunduko dira.

- Zuzenean diruz lagundutako jardueraren ondorioz eragindako gastu orokor gehigarriak, hala nola garapen bidean dauden itsas energia berriztagarrien saiakuntza-azpiegituren errentamendua itsaso zabalean.
- Partzuergo, elkarte edo enpresen taldeen langileen gastuak, laguntza programa honetako **4. oinarriko e)** ataleko jardun espezifikoari lotutakoak.

Koordinazioaren inguruko kontzeptuari dagokionez, **4. oinarriko e)** atalean azalduta, kostu lagungarriaren gehieneko muga hauxe da: diruz lagunduko den jardueraren kostu lagungarriaren %10. Nolanahi ere, kontzeptu horren izenean emango den diru laguntzaren gehieneko muga 100.000 eurokoa da.

Edonola ere, kontuan hartu beharko da material eta eskulanari lotutako sail ekonomiko guztiak, kostu lagungarritzat hartzen baldin badira, zuzenean esleitu behar zaizkie diruz lagunduko diren jarduerari.

- Kostu lagungarriak zerga-kenkariak edo beste zerga batzuk kontuan hartuta adieraziko dira.

## 5.2. Kostu lagungarriaren barruan sartuko ez diren jarduerak

- Fakturatutako ondasunak edo zerbitzuak eskuratzeko ordaindu den BEZa, eta, oro har, zergak.
- Inbertsioaren ondorioz eragindako finantza-gastuei eta pertsonal propioari dagozkionak, **5. oinarri** honetako **5.1** atalean zehaztuak, baita lurrak erosteko gastuak ere.
- Ekipo erabiliak eskuratzeko inbertsioak.
- Honako hauek erosteko inbertsioak: makineria autopropultsatua, ibilgailuak, bizikletak eta, oro har, salgaiak eta bidaiariak garraiatzeko garraio bideak.
- Ekipoak eta instalazioak konpondu, egokitu eta mantentzeko inbertsioak.
- Zerbitzariak, inprimagailuak eta, oro har, ekipo ofimatiko guztiak.
- Merkatu azterketak eta bideragarritasun azterketak edo azterlanak.
- Obra zibilean egindako gastutzat hartu daitekeen sail ekonomikoa.
- Eta, orokorrean, behar bezala zehaztu eta definitu gabeko kostu guztiak, eta ondorioz, era zuzenean identifikatzea ezinezkoak izango direnak, laguntza programa honetako **4. oinarrian** aurreikusten diren jardueren inbertsioen energia helburuak lortzeari begira.

## 6. Diru laguntzei egingo zaizkien mugaketa orokorrak

### 6.1. Diru laguntzen zenbatekoaren muga

Laguntzen programa honen kontura gauzatuko diren jardueretan, jaso daitekeen gehieneko eta guztizko diru laguntza **miloi bat, berrehun eta berrogeita hamar mila (1.250.000) eurokoa** izango da jarduerako; era berean, onuraduneko ere jaso daitekeen gehieneko eta guztizko diru laguntza **miloi bat, berrehun eta berrogeita hamar mila (1.250.000) eurokoa** izango da. Laguntzen programa honetako 4. oinarrian azaltzen diren jarduera mota bakoitzean ez da inolako kasutan gaitutuko ezarritako ehunekoak, ezta programako 3. oinarrian finkatutako aurrekontu mugak ere, urte bakoitzari begira.

Diru laguntzen programa honetako **4. oinarrian** ezarritako laguntzen ehunekoak, **%25**, kostu lagungarriaren aldean, areagotu egingo da, hobari gehigarrien bidez, honako kasu hauetan ezarritako baldintzak betez gero:



- a) Laguntzak ETE/PYMEtara zuzentzen direnean, laguntzaren gehieneko intentsitatea portzentajezko 10 punturekin areagotu ahal izango da (enpresa ertainak) eta portzentajezko 20 punturekin (enpresa txikiak); eta, gainera,
- b) Portzentajezko 15 puntuko hobari gehigarria gehituko da kasu hauetan:
- (i) Elkarlan eraginkorra badakar jarduerak:
- Enpresen artean, haietako bat EEE/PYME izan behar, edo gutxienez bi estatu kidetan garatzen bada, edo estatu kide batean eta EEE Akordioaren parte kontratatzaile batean, eta ezein enpresak ezin izango du kostu lagungarrien %70 baino gehiago ordaindu.
  - Enpresa baten eta ezagutza zabaltzeko eta ikertzeko erakunde baten edo batzuen artean, azken hauek gutxienez kostu lagungarrien %10 beren gain hartuko dute eta beren ikerkuntza lanen emaitzak argitaratzeko eskubidea izango dute.

Laguntzen programa honen arabera, **4. oinarriko a), b), eta c)** ataletan adierazten diren jardueren gauzaperari dagokienez, gehieneko kostu lagungarria edo muga **bost milioi (5.000.000) eurokoa** izango da. Horiek horrela, kantitate hori gainditzen duen proiektuari ez zaio diru laguntzarik emango.

Laguntzen programa honen arabera, **4. oinarriko d)** atalean adierazten diren jardueren gauzaperari dagokienez, gehieneko kostu lagungarria edo muga **seihun mila (600.000) eurokoa** izango da. Horiek horrela, kantitate hori gainditzen duen proiektuari ez zaio diru laguntzarik emango.

## **6.2. Beste laguntza batzuekiko bateragarritasun erregimena**

- Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira laguntza programa honetan ematen direnekin, baldin eta diru laguntza guztiak batera kostu lagungarriaren ehuneko jarraian aipatzen direnak edo txikiagoak badira:
  - **4. oinarriko a), b), c) eta d) ataletan** adierazten diren jarduera lagungarriei dagokienez, kostu lagungarriaren %40, salbu eta enpresa txikien eta ertainen kasuan, %60 eta %50 izango baitira, hurrenez hurren.
  - Nolanahi ere, erakunde onuradun bakoitzak jasoko dituen diru laguntzen guztizkoak zenbat den jakin ondoren, laguntza programa honetan ezarritakoa betez, onuradun horrek jaso ahal izango du dituen diru laguntzak zehazteko, horri buruz Europar Batasunean indarrean dauden arauak hartuko dira kontuan, eta zehazkiago edo bereziki, 651/2014 Erregelamenduaren 8. artikuluan ezarritakoa.

Beste erakunde edo administrazio batzuek emandako diru laguntzak gauzatzen badira EEE Energiaren Euskal Erakundeak emandako diru laguntzaren ebazpenaren ondoren, onuradunak EEEri jakinarazi beharra du (**12. oinarria, e) atala**), eta diru laguntza guztien azterketatik ondorioztatzen bada diru laguntzaren zenbatekoa gutxitu behar dela, aldeaz edo guttiz errebokatzeko dagokion ebazpen baten bidez zehaztuko da, diru laguntza ordaindu aurretik emango dena.

## **6.3. Diruz lagunduko diren jardueren kontratazioa edo azpikontratazioa hirugarrenekin**

- a) LGSen 29. artikuluan eta RGSen 68. artikuluan xedatutakoarekin bat etorriz, onuradun batek azpikontratatzeko duela ulertuko da honako egoera hau gertatuz gero: diru laguntzaren xedea den jardueraren zati baten edo jarduera osoaren gauzaperaren batekin hitzartzen bada. Diruz lagunduko den jarduera aurrera eramateko onuradunak berak egingo dituen gastuen kontratazioa kontzeptu horretatik kanpo geratuko da.

Nolanahi ere, hirugarrenen kontratazioa edo azpikontratazioa ezin izango da diruz lagunduko den jardueraren zenbatekoaren %50 gainditu; diruz lagunduko diren jardueren kontratazioa edo azpikontratazioaren aplikazioari dagokionez, goraxeago aipatutako 29. artikuluan xedatutakoa beteko da. Hortik kanpo geratzen dira, azpikontratazioaren mugen ondorioetarako, honako hauek: baliabide materialak edo giza baliabideak behar dituzten lanen azpikontratazioak, baldin

eta horien izaera edo espezializazioa diruz lagunduko zaion onuradunaren xede sozialeik kanpo badaude.

- b) Diru Laguntzei buruzko Lege Orokorraren 31.3 artikuluan xedatutakoa betez, Sektore Publikoaren Kontratuen Legearen (SPKL) aplikazio araudia bazter utzi gabe, eskatzailearen izaera juridikoaren arabera, Kontratazio Publikoaz diharduen araudian ezarritako zenbatekoak gainditzen badituzte gastu lagungarriaren zenbatekoek, kontratu txikiari dagokionez (15.000€ zerbitzuetarako eta horniduretarako BEZik gabe eta 40.000€ obrarako BEZ gabe), onuradunak gutxienez hiru eskaintza eskatu beharko zaizkie hornitzaile ezberdinei, obrarako konpromisoaren kontratazioa gauzatu, zerbitzua egin edo ondasuna eman aurretik, salbu eta, haren ezaugarri bereziengatik, merkatuan nahiko erakunderik ez baldin bada gauzatu, zerbitzu egin edo hornitzeko, edo salbu eta gastua egiten baldin bada diru laguntza eman baino lehen (salbuespena, azken kasu honetan, 651/2014 Erregelamenduaren mende dauden enpresei begira).

Aurkeztuko diren eskaintzen arteko aukeraketa, funtsean, eraginkortasun eta ekonomia irizpideak kontuan hartuta egingo da, eta aukeraketa espreski justifikatuta geratu beharko da, baldin eta aukeratua kalitate-prezio erlazio onena duen proposamena ez denean.

## 7. Bideratzeko kudeaketa eta prozedura

Eskabideak **oinarri hauetako 3.** atalean aipatutako epean aurkeztu beharko dira EEEren bulegoan, edo posta zertifikatuaz, honako helbide honetan:

### EEE - Energiaren Euskal Erakundea

5020 Posta Kutxa

Bizkaia plaza eraikina

Urkixo zumarkalea, 36. 1. solairua

48011 Bilbo

Honako erreferentzia adieraziz: **Garapen bideko itsas energiak - 2020. urtea.**

Eskabidea osatugabea, akatsekin egongo balitz, edo oinarri hauetan ekatzen dena bete ezik, hamar (10) egun balioduneko epea emango litzaioke interesdunari zuzentzeko edo eskatzen zaizkion dokumentuak aurkezteko, horretarako bidaliko zaion jakinarazpena jasotzen duen egunetik kontatzen hasita, eta hori egin ezear, eskabidea bertan behera utziko zaio, aurretiaz emango den ebazpen baten bidez, Administrazio Publikoen Administrazio Prozedura Erkideaz diharduen 39/2015 Legearen 21. artikulua araberako xedatutako ebazpena, hain zuzen ere.

Garaxeago aipatutako dokumentazioa epeen barruan aurkeztuz gero, eskabideari dagokion espedientea bideratzen edo tramitatzen jarraituko da. Ondorio hauetarako, eskaeraren aurkezpen data edo eguntzat joko da zuzenketa egiten den eguna.

## 8. Diru laguntza eskatzeko helbidea

Diru laguntzaren eskaeraren formularioa eta berarekin batera bidali behar den dokumentazio tekniko-administratiboa nora bidali behar den **7. oinarrian** azaltzen da. Horrekin batera, **3. oinarrian** adierazten den epearen barruan aurkeztuko da. Era berean, dokumentazio guztia formatu digitalean aurkeztu beharko da (USB,...).

Diru laguntza eskabidea egiteko, proiektu bakoitzerako, formalizatu eta aurkeztu beharreko dokumentazioa hauexek dira:

### a. Diru laguntza eskaera eta dokumentazio administratiboa

#### (i) Banako proposamena

- ✓ **I.1 eranskina. 2020ko diru laguntza eskabidea.** Eskatzailearen datuak.
- ✓ **I-2 eranskina. Dokumentazio administratiboa,** eta bertan azalduko diren dokumentuak hauexek dira:

- Sinatzailearen (legezko ordezkaria) NANaren kopia.
  - IFKaren kopia.
  - Ahalduntzeko eskrituraren kopia edo ordezkatzeko dokumentu justifikagarria.
  - Eskrituraren, estatutuen edo eratzeko ekitaldiaren kopia.
  - Kontu korrontearen IBAN-a egiaztatzeko banketxearen ziurtagiria, haren titularra eskatzailea izan beharko da. Laguntzen programa honek eskatzen dituen baldintza guztiak betez gero, eta eskatzaileak onuraduna izateko egokiera bereganatu eta gero, kontu horretan sartu edo ordainduko da diru laguntza.
  - Foru Ogasunean dagozkion ordainketak eginak dituela egiaztatzen duen egiaztigiri eguneratua.
  - Gizarte Segurantzari dagozkion ordainketak eginak dituela egiaztatzen duen egiaztigiri eguneratua.
  - Enpresen kasuan, enpresa txiki edo ertaintzat hartzeko modukoak badira, 651/2014 Erregelamenduaren I. Eranskinaren 2. artikuluan xedatutakoari jarraiki, horrelakotzat jotzeko behar diren dokumentu hauek aurkeztu beharko dituzte:
    - Gizarte Segurantzari emandako ziurtagiria, enpresak duen langile kopuruari buruzko informazioa azalduko duena.
    - Urteko negozioren bolumenaren edo urteko balantze orokorraren egiaztigiria.
- ✓ **II. eranskina.** Eskatzaileak arauak betetzearen inguruko ardura-deklarazioa eskaeraren egunean.
- ✓ **III. eranskina.** Beste diru laguntza batzuk jaso izanaren ardura-deklarazioa eskaeraren egunean. Dokumentu hori bete edo aurkeztu beharrekoa da, eskatutako edota emandako beste diru laguntzarik ez badago ere.
- Kasuan kasu, beste erakunde batzuek emandako beste diru laguntzei buruzko ebazpen positiboen kopia eskaeraren egunean.
- ✓ **IV. eranskina.** Enpresatzat hartzeko adierazpena, 651/2014 Erregelamenduaren ondorioetarako.

(ii) Lankidetzako proposamena

Diruz lagunduko den jardura erakunde batzuen artean gauzatzekoa bada, lankidetzako proposamen baten bitartez, erakunde multzo horrek, era bateratuan, jarduerarako eskaera bat aurkeztu beharko du, eta, era berean, dokumentu bat (kontratua, akordioa, hitzarmena...) aurkeztu beharko du, zeinaren bidez partzuergoaren, elkartearen edo enpresa-taldearen harreman hori formalizatu den; bertan, kideen eskubideak eta betebeharrak zehaztuko dira. Horrekin batera, aurrera eramango duten jardura partekatuari dagokionez, kide edo **erakunde bakoitzak** bere gain hartutako gauzatze-konpromisoak (**jarduerak eta aurrekontu zehatzak**) adierazi beharko dira, baita honako akordio hauek ere: konfidentzialtasuna, emaitzen jabetza, jabetza industrialaren eta intelektualaren legezko babesak (patenteak), emaitzen etorkizuneko merkataritza ustiapena, ematen zabalkunde publikoa... Aldi berean, eta erakunde bakoitzak era indibidualean, goiko (i) atalean eskatzen den dokumentazioa aurkeztu beharko du.

Ordezkarari edo ahaldun bakarri izendatu beharko da eta, onuradun den aldetik, enpresen partzuergoari, elkarteari edo enpresa-taldeari dagozkion betebeharrak betetzeko behar adina ahalorde izango ditu.

Aurrekoaz gain, jardura bateratutako proposamenean parte hartzen duten erakunde edo enpresetako batek, gainerakoek zuzendari edo ordezkari moduan, proiektuaren garapenean eta kudeaketaren erantzule eginez, diruz lagunduko den proiektuaren martxa onerako beharrezkoak diren EEKetikiko elkarrizketa- eta harreman-funtzio guztiak bere gain hartu beharko ditu.

## b. Dokumentazio teknikoa

- ✓ **V. eranskina. Proiektuaren dokumentazio teknikoa;** bertan, azalduko diren dokumentuak hauexek dira:
  - Deskribapen-memoria tekniko-ekonomikoa. Garapen esperimentalak deskribatu behar da, hasierako faseetatik hasi eta saiakuntzetan parte hartu behar duen prototipoaren fasera iritsi arte; prototipoaren deskribapena ere bildu beharko du. Halaber, honako alderdi hauek ere deskribatuko dira: saiakuntzen helburua zein den, metodoa, behar izango diren baliabideak eta horiek lortzeko modua, mantentze-lanen planak saiakuntzetan, instalatzeko eta desinstalatzeko maniobrak eta abar.
  - **Saiakuntzen programa.** Saiakuntzen programaren plangintza, saiakuntzak egiteko tokia prestatzeki hasi eta saiakuntzetan erabilitako elementuak kentzearekin bukatu, behar izanez gero.
  - **Arriskuen azterketa.** Gorabehereri edo arazoei aurre egiteko plana izatea, saiakuntza programarako egindako arriskuei buruzko azterketarekin bat etorritik.
  - **Gutzizko aurrekontua,** kontzeptuen arabera **zehaztua,** eta elkarteko, lankidetzan jarduteko proposamen baten kasuan, eta urte naturalei dagozkien urteko aurrekontuak, kontzeptuen arabera banakatuta ere. Eskatzaileak egin beharko dituen ordainketen plangintza, urte natural bakoitzaren barruan, (ikus **X. eranskina. Aurrekontu eredua**).
  - Erakusketa-programa hartuko duen saiakuntza-azpiegiturak sinatutako **onarpen edo babes-gutuna.**

EEEk diru laguntza eskaera behar bezala aztertzeke, beharrezkotzat jotzen dituen informazio eta dokumentu osagarriak eska diezazkioke eskatzaileari.

## 9. Ebazpena, komunikazioa eta publizitatea

Diru laguntza emateko prozedura lehia edo konkurrentzia jarraitua izango da, eta, beraz, eskabideak aurkezten diren hurrenkeraren edo ordenaren arabera aztertu eta bideratuko dira espedienteak, eta modu egokian formulatuak eta beteak egongo diren heinean eta hurrenkeran bideratuko dira. Eskabidea akastuna izanez gero, eta konpondu beharko balitz, aurkezpen datatzat **7. oinarrian** azalduko da hartuko da.

EEE Energiaren Euskal Erakunde zuzendari nagusiak, sei (6) hilabeteko gehieneko epean, diru laguntza eskaera osoa eta behar bezala aurkezten den egunetik kontatzen hasita (39/2015 Legearen 21.2 artikulua), bide egokiaz baliatuta, ebazpena emango du, urriaren 1eko 39/2015 Legearen arabera, Herri Administrazioen Administrazio Prozedura Erkideaz diharduena (aurrerantzean, **39/2015 Legea**). Epe hori igaro ondoren, eta ebazpen zehatzik jasotzen ez badu, eskatzaileek ulertu beharko dute beren diru laguntza eskabidea onartua izan dela, 39/2015 Legearen 24.1 artikuluan xedatzen den bezala.

Ebazpenean honako hau azalduko da: (i) diru laguntzaren xedea den jarduera, (ii) haren zenbatekoa (kantitate gordina, onuradunaren izaeraren ondoriozko zerga-betebeharrei utzi gabe), (iii) interesekoak izan daitezkeen beste alderdi batzuk eta (iv) eskabideari ezezkoa emanez gero, haren arrazoiak.

Era berean, elkarlaneko edo lankidetzako proposamenei lotutako eskaeren kasuan, elkartea edo enpresen elkartea osatzen duten erakunde onuradunen identitatea adierazi beharko da, baita diruz lagunduko den jardueraren garapen eta kudeaketa egingo duen erakunde arduraduna eta kide bakoitzari emandako diru laguntzaren zenbatekoa ere.

Ebazpen horren kontra, prozedura administratiboari amaiera ematen diona, eskatzaileek hautazko birjartze errekurtsioa jar dezakete EEE Energiaren Euskal Erakunde zuzendari nagusiaren aurrean hilabeteko epearen barruan, ebazpena jakinarazten den egunaren biharamunetik kontatzen hasita, edo bestela, zuzenean administrazioarekiko auzi errekurtsioa Bilbon dagoen epaitegian bi hilabeteko epean, ebazpena jakinarazten den egunaren biharamunetik kontatzen

hasita. Hori guztia, 39/2015 Legearen 123. eta 124. artikuluek diotena betez eta uztailaren 13ko 29/1998 Legearen 46.1 artikuluekin bat etorri; hain zuzen ere, Administrazioarekiko auzien jurisdikzioa arautzen duena (aurrerantzean **29/1998 Legea**).

Diru laguntza emateko orduan kontuan hartutako baldintzak aldatuz gero, betiere onuraduna izateko diru laguntzen araudiek ezartzen dituzten gutxieneko betekizunak babestuz, diru laguntza emateko ebazpena aldatzea ekar dezake, diru laguntza arautzearen inguruko legeriak xedatzen duenarekin bat etorri (LGEen 19.4 artikulua eta 1/1997 Dekretu Legegilearen 49.2 artikulua).

Diru laguntza eskariarekin batera joango den deskribapenezko memoria tekniko-ekonomikoan azalduko diren jarduerak izango dira diruz lagunduko direnak. EEEK onar ditzake aldaketaren bat jarduera horietan, baldin eta alde zuzenetik eskatzen bada erakundeari, eta behar bezala justifikatuta bada erakunde onuradunaren edo erakunde arduradunaren aldetik, jarduera amaitu baino lehen, jardueraren helburua eta izaera desitxuratu edo eraldatzen ez bada, eta hirugarrenei kalterik sortzen ez bada.

Jarduerak porrot teknikoa eginez amaituz gero, hau da, haren garapenean edo amaieran gaindiezinak edo konponezinak diren akats teknikoak agertuko balira, eta, beraz, diru laguntza eskariarekin batera joango den deskribapenezko memoria tekniko-ekonomikoan azalduko den ikerketa proiektuaren helburuak bete ezin izango lirarteke, onuradunak eska diezaioteko EEEri diru laguntzari lotutako ebazpen administratiboa aldatzeko, eta hartara, ordura arte helburuekin eta esperotako emaitzekin bat egindako proiektuaren egoerara edo zatira egokitzea. EEEK onar dezake eskaria, behar bezala justifikatuta bada erakunde onuradunaren edo erakunde arduradunaren aldetik.

Azkenik, 19/2013 Legeak dioenarekin bat etorri, abenduaren 9koa, gardentasunari, informazio publikoa eskuratzeko bideari eta gobernu onari buruzkoa (aurrerantzean **19/2013 Legea**) eta RGSa, laguntza programa hau amaitu eta gero, EEEK bere Gardentasun Atarian eta EHAAn argitaratuko ditu emango diren diru laguntzak; baita legeak eskatzen dituen datuak ere azalduko dira bertan.

## **10. Diru laguntzak ordaintzea**

Euskal Autonomia Erkidegoko Administrazio Orokorra eta Instituzionalak emandako izaera bereko dirulaguntzak itzultzeko dauzkaten elkarrekin edo erakundeekin ezin izango dute laguntzen programa honek ematen duen dirulaguntzarik jaso.

Horrelako kasuetan, aztertu egingo da itzuli beharreko diru laguntza zer egoeratan dagoen, borondatezko aldi edo bide betearazlean. Onuradunek diru laguntzen itzulketen betebeharren ordainketak eginak dituztela kontuan hartzeko, hauxe izango da irizpidea: diru laguntza horiek emandako administrazioarekiko zorrik ez izatean epealdi betearazlean diru laguntzak itzultzeari dagokionez, edo onuradunak zein elkarte laguntzaileei premiamendu-bidea ezartzea edo aurrera eramaterik ez dagoen kasuetan, borondatezko aldi zorrak ez ditu kontuan hartu. Era berean, onuradunek diru laguntzen itzulketen betebeharren ordainketak eginak dituztela kontuan hartuko da zor horiek geroratuta edo zatikatuta badaude, edo bertan behera uzteko erabaki bada, itzultzeko dagokion ebazpena aurkaratuz gero (RGSen 21. artikulua).

Aurkeztuko den proiektua edo azterlana bukatu ondoren, EEEK emango duen diru laguntzaren ordainketa, onuradunak horretarako adierazitako kontu korrontean egingo da. Hori egin aurretik, 10. oinarri honetako 10.1 atalean ezartzen den hurrenkeran eta moduan justifikatu beharreko dokumentazio guztia aurkeztu beharko da, diruz lagunduko jarduerak eta egindako gastuak egiaztatzeko.

10.1 Diru laguntzak saiakuntza-programa planifikatuaren garapenaren arabera ordainduko dira; zehazki, ordainketa era honetan:

- a) Diru laguntza ebatziaren guztizkoaren % 15 hirurogei (60) eguneko epean ordainduko da, diru laguntza emateko ebazpena jakinarazten denetik kontatzen hasita eta honako hauek egin ostean: diru laguntza eman izana esanbidez onartzea, laguntza ordaintzeko eskaera

esanbidez egitea eta erakunde onuradunak edo erakunde arduradunak zenbateko bereko abal bat aurkeztea (ikus IX. eranskina. Abal eredu).

- b) Prototipoa saiakuntza-eremuan ainguratuta eta instalatutakoan eta Administrazio eskudunak prototipoa martxan jartzeko eta zerbitzuan hasteko akta sinatu ostean, edo hori berresteko saiakuntza-azpiegitura ziurtagiri formalizatua, EEEK ordura arte egindako eta justifikatutako gastuei dagokien diru laguntzaren zatia ordainduko da.
- c) Urte natural bakoitzaren amaieran, baldin eta aurreko puntuan esandakoa betez gero, azken ordainketa egiten denetik egindako gastuei dagokien diru laguntzaren zatia ordainduko da.
- d) Saiakuntza programa amaitzen denean, egindako gastuei dagokien zatia ordainduko da, aurreko ordainketetatik ordaindu gabeak.
- e) Azkenik, proiektuen koordinazio gastuak, proiektuaren urteko fase bakoitzari lotutakoak, urte natural bakoitzaren amaieran ordainduko dira.

Laguntza programa honen arabera, 10.1 atal honi dagozkion ordainketa guztiak egiteko, diru laguntza eskabidean aurreikusten den bezala, dagokion fasea edo jarduera egin izana justifikatzen duen dokumentazioa aurkeztu beharko da aurretiaz, 10. oinarri honetako hurrengo 10.2 atalean azaltzen den bezala, baita finkatutako helburuen eta egiaz egindako gastuaren betetze-maila ere.

10.2 Nolanahi ere, 10. oinarri honetako 10.1 ataleko a) puntua salbu, 10.1 atal horretan adierazitako laguntzaren bestelako zenbatekoak ordaindu aurretik, erakunde onuradunak edo erakunde arduradunak honako dokumentazio hau aurkeztu beharko du EEEen:

#### a. Dokumentazio administratiboa

- ✓ VI. eranskina. Fasea edo proiektua amaitutako komunikazioa.
- ✓ VII. eranskina. Onuradunak arauak betetzearen inguruko ardura-deklarazioa justifikazioaren egunean.
- ✓ VIII. eranskina. Beste diru laguntza batzuk jaso izanaren ardura-deklarazioa justifikazioaren egunean. Beste diru laguntza osagarririk jaso ez bada ere, dokumentu hau aurkeztu beharko da.

Kasua kasu, beste erakunde batzuek emandako beste diru laguntzei buruzko ebazpen positiboen kopia justifikazioaren egunean.

- ✓ Aurrekoez gain, honako dokumentu hauek ere aurkeztu beharko dira:
  - Foru Ogasunean dagozkion ordainketak eginak dituela egiaztatzen duen egiaztargiri eguneratua.
  - Gizarte Segurantzari dagozkion ordainketak eginak dituela egiaztatzen duen egiaztargiri eguneratua.

#### b. Dokumentazio teknikoa

- ✓ Egindako inbertsioaren faktura zehatzak (jatorrizko kopiak), sailak zehaztuta eta ekonomikoki balioztatuta, honako data hauen artean: laguntza programa honen diru laguntza eskabidea aurkeztu den egunaren biharamunetik 2020ko abenduaren 31ra, 2021ko eta 2022eko ekitaldietarako, aldiz, dagokion ekitaldiaren urtarrilaren 1etik 31ra arte egongo dira datatuta fakturak. Fakturak onuradunak berak jaulki behar ditu, oinarri hauetako 2.1 atalean zehazten den bezala.

Diru laguntza eskaeran adierazitako inbertsio osoa justifikatu ezean, azalpen justifikagarri laburra aurkeztu beharra dago, aldea ulertarazteko.

Proiektuaren batek bost (5) faktura baino gehiago jaulkitzea eskatuz gero, faktura horiekin batera, fakturen zerrenda zehatza den laburpen koadro bat aurkeztu beharko da, eta bertan, gutxienez, hornitzailea, data, faktura-zenbakia eta zerga oinarria azaldu behar dira.

- ✓ Fakturak ordaindu izana justifikatzen duten agiriak, honako hauek identifikatzeko moduan: laguntzaren azken hartzailea; ordainketa jasotzen duen hirugarrena; ordainketa-data (balio-data); eta laguntzaren xede den proiektua identifikatzeko beharrezkoak diren datuak.
- ✓ Era berean, **10. oinarri honetako 10.1 atalean** zehazten diren eskakizunei begira, erakunde onuradunek edo erakunde arduradunek honako dokumentazio hau ere aurkeztu beharko dute:
  - **b) atalean** adierazten den justifikazioa, egindako jardueren likidazio partziala eskatzen duena, diru laguntza eskaeran aurkeztutako deskribapenezko memoria tekniko-ekonomikoaren arabera. Justifikazioan datu hauek adierazi behar dira:
    - Egindako jardunak.
    - Lortutako emaitza kuantifikatuak eta beren balioespena.
    - Izandako aldaketak, gertatuz gero, eta, hala badagokio, azalpenak.
    - Garatutako jardueren aurrekontua, sailka.
    - Azpikontratutako jarduerak garatzeari begira, sinatutako kontratuen, hitzarmenen, akordioen eta abarren betetzearen inguruko egiaztatze txostena.
    - Administrazio eskudunak emandako akta, edo bestela, saiakuntza azpiegiturak akreditatutako dokumentua, saiakuntzan edo proban izandako prototipoa martxan jartzeko eta zerbitzuan hastekoa adierazten duena.
  - **c) atalean** adierazten den justifikazioa, egindako jardueren likidazio partziala eskatzen duena, diru laguntza eskaeran aurkeztutako deskribapenezko memoria tekniko-ekonomikoaren arabera. Justifikazioan datu hauek adierazi behar dira:
    - Egindako jardunak.
    - Lortutako emaitza kuantifikatuak eta beren balioespena.
    - Izandako aldaketak, gertatuz gero, eta, hala badagokio, azalpenak.
    - Garatutako jardueren aurrekontua, sailka.
    - Azpikontratutako jarduerak garatzeari begira, sinatutako kontratuen, hitzarmenen, akordioen eta abarren betetzearen inguruko egiaztatze txostena.
  - **d) atalean** adierazten den justifikazioa, egindako jardueren likidazio partziala eskatzen duena, diru laguntza eskaeran aurkeztutako deskribapenezko memoria tekniko-ekonomikoaren arabera. Justifikazioan datu hauek adierazi behar dira:
    - Egindako jardunak.
    - Lortutako emaitza kuantifikatuak eta beren balioespena.
    - Izandako aldaketak, gertatuz gero, eta, hala badagokio, azalpenak.
    - Garatutako jardueren aurrekontua, sailka.
    - Azpikontratutako jarduerak garatzeari begira, sinatutako kontratuen, hitzarmenen, akordioen eta abarren betetzearen inguruko egiaztatze txostena.

Diru laguntza programa honen deialdiaren arabera, ekitaldi bakoitzerako, aipatu eta eskatzen den dokumentazio justifikagarri hori guztia aurkezteko azken eguna hurrengo urteko urtarrilaren 15ean izango da, eta 2023ko urtarrilaren 15ean amaituko da.

Aipatutako dokumentazio justifikagarri hori aurkezteko epea ez da inola ere aldatuko edo luzatuko EEEn aldetik. Dokumentazio justifikagarri hori guztia dagokion epean aurkeztu ezean,

itzularaziko zaio zenbatekoa eta LGSen ezartzen diren gainerako erantzukizun guztiak eskatzea ekarriko du.

Dokumentazio hori guztia jaso ondoren, aztertzeari ekingo zaio, eta behar bezala izanez gero, diru laguntza ordaintzeko izapideari hasiera emango zaio, dagokion diru sarrera eginez EEEn aldetik. Aurkeztutako dokumentazio justifikagarria aztertu eta gero, eta azken diru laguntzaren zenbatekoa hasieran emandakoa baino txikiagoa izan behar dela egiaztatuz gero, diru laguntza alde ezeztatzeko espediente bat abiarazteari ekingo zaio. Kontrara, honako egoeraren bat gertatuz gero:

- Eskatutako dokumentazio guztia ez da epearen barruan aurkezten.
- Diru laguntza eskabidea aurkezten den egunaren biharamunetik 2020ko abenduaren 31 bitartean, diruz lagundutako jardura egin dela eta dagokion fakturazioa ez dira egiaztatzen. 2021ko eta 2022eko ekitaldietarako, berriz, honako data hauen artean fakturatu beharko dira: dagokion ekitaldiko urtarilaren 1etik ekitaldi bereko abenduaren 31ra.
- Oinarri hauetan eta/edo diru laguntzez diharduen legerian ezartzen diren baldintzaren bat ez da betetzen.

Goiko hiru kasuetakoren bat gertatuz gero, EEEk diru laguntza osorik ezeztatzeko espedienteari ekingo dio.

Ordaintzeko eskaera eta dokumentazioaren aurkezpena ekitaldi bakarrean eta bere osotasunean egingo du erakunde onuradunak edo erakunde arduradunak. Hartara, ordaintzeko eskaera osatu gabe edo akastuna izango balitz, edo postaz zein aurrez aurre edo eskura aurkeztuz gero, hamar (10) egun balioduneko epea emango litzaioke onuradunari zuzentzeko, zuzentzeko bidaliko zaion idazkiaren bidez jakinarazia, diru laguntzaren onuradunak horren berri emateko jakinarazpena jasotzen duen egunetik kontatzen hasita (39/2015 Legearen 68. artikulua)

Aipatutako dokumentazio justifikagarri hori EEEn bulegoetan aurkeztuko da, edo posta zertifikatuaz bidaliko da honako helbide honetara:

**EEE - Energiaren Euskal Erakundea**  
5020 Posta Kutxa

Bizkaia plaza eraikina  
Urkixo zumarkalea, 36. 1. solairua  
48011 Bilbo

Adierazi erreferentzia hau: **dagokion espediente zenbakia eta garapen bideko itsas energiak 2020.**

## **11. Inbertsioen egiaztatzea**

Diru laguntza ematearen aldeko ebazpena jakinarazi ondoren, EEE Energiaren Euskal Erakundeak inbertsioen egiaztatze "in situ" egin ahal izango du, eta bertan instalazioari lotutako zenbait argazki adierazgarri egingo dira, diruz lagundu eta azaldutako inbertsioa burutu dela egiaztatzeko asmoz eta oinarri hauetan ezarritako gainerako betebeharrak betetzen direla bermatzeko; baita espedientearen ez legokeen eta beharrezkotzat joko duen dokumentazio guztia ere eskatu ahal izango da; betiere, diru laguntzen erabilera egoki egingo dela ziurtatu nahian.

Diru laguntza jasotako jardueraren inbertsioen egiaztatze "in situ" egingo zaien onuradunei alde aurretik idazki bat bidaliko zaie, haren berri emateko EEEn aldetik. Jakinarazpena jasoko dutenek egiteko betebeharra izango dute.

Jakinarazpena bidali ondorengo bi asteren barruan, EEEk onuradunari inbertsioen egiaztatze tekniko edo ekonomiko "in situ" egingo duela jakinarazi ondoren, adierazitako inbertsioa burutu dela egiaztatzeko asmoz, ezin izango balitz ikuskapena egin, EEEn zerikusia ez duten arrazoiak tarteko, idatziz jakinaraziko zaio onuradunari hamabost (15) egun balioduneko epea izango duela



beste hitzordu bat egiteko, inbertsioen egiaztatze “in situ” egin ahal izateko. Hori egin ezean, EEEK diru laguntzaren zenbatekoa errebokatze espedientea abiaraziko du.

Inbertsioen egiaztatze “in situ”n hartutako informazioa eskabidean aurkeztu den dokumentazioarekin kontrastatu ondoren, eta hasieran emandako diru laguntza kantitatea txikiagoa izan behar dela, edo ez dagokiola diru laguntzarik jasotzea ondorioztatuko balitz, kasuan-kasuan, EEEK diru laguntza alde edo erabat errebokatze espedientea egingo du eta, hala badagokio, zati bat edo kantitate osoa itzultzeko eskatuko luke, legezko beste bide batzuk hartzeko eta zigorrak aplikatzeko eskubideari uko egin gabe.

## **12. Onuradunen betebeharrak**

Diru laguntza deialdi edo programa honen bitartez arautzen diren laguntzen onuradunek betebeharrak hauek izango dituzte:

- a. LGSen 14. eta 46. artikuluetan eta 1/1997 Dekretu Legegilearen 50.2. artikuluan xedatutakoak.
- b. Emandako diru laguntza onartzea. Diru laguntza eman zaiola jakinarazten dion agiria jaso eta hamabost (15) eguneko epean berariaz eta idatziz uko egiten ez badio onuradunak, onartu egin duela ulertuko da, diru laguntza deialdi honetan zein ebazpenean ezartzen diren baldintza ekonomikoen eta gainerakoen arabera.
- c. Diru laguntza zertarako eman zaion, horretarako erabiltzea. Dena dela, ez da baztertzen EEEK onartu ahal izatea jarduerak egitean gertatzen diren aldakuntzak. Nolanahi ere, aldaketa horiek behar bezala justifikatu beharko dira. Horretaz gain, EEEren aurretiazko baimena ere eduki beharko dituzte aldaketa horiek.
- d. Kontrol Ekonomiko Bulegoari eta Kontu Publikoen Euskal Auzitegiari ematea eskatu ahal dioten informazioa, diru laguntzen deialdi honen arabera emandako diru laguntza hauek kontrolatzeko dituzten zereginei jarraiki.
- e. Helburu bera duen proiektua egiteari begira, beste administrazio, erakunde publiko edo pribatu bati eskatutako edota horiek emandako diru laguntzaren berri ematea EEE Energiaren Euskal Erakundeari.
- f. Garatuko den egitasmoen lotutako jarduerak indarrean dagoen legeria edo araudia bete beharko dute. Horretaz gain, instalazioen osagaiak dagokion erakunde eskumendunaren homologazioa eduki beharko dute. Beraz, onuradunak onartzen du egitasmoak bete egingo duela aplikagarria izan dakioken legeriaren alderdi guztietatik: teknika, hirigintza eta gainerako ezaugarriak kontuan hartuta.
- g. Proiektuaren garapena osatzen duten lanetarako, eta proiektu horri lotutako bestelako dokumentaziorako sarbide libre izateko baimena ematea EEEri edo honek akreditatutako pertsonari.
- h. Diru laguntza ematearekin zerikusia duen edozein aldaketa objektiboa zein subjektiboaren berri ematea EEEri.
- i. Eman daitekeen diru laguntza ondo erabiltzen dela egiaztatze, EEEK eska diezaiokeen informazio guztia emango du onuradunak.
- j. Jarraian, EEE Energiaren Euskal Erakundearen informazio eta komunikazio betekizunak edo baldintzak behar bezala betetzeko jarraibideak zehazten dira, diru laguntza publikoa jasotzeko lotutako betebeharrak era efektiboan bete ditzaten diru laguntzen onuradunek.

Egingo diren informazio eta komunikazioaren inguruko neurri eta jarduera guztiek eskatzen dute onuradunaren ezagutza, Energiaren Euskal Erakundearen laguntzari dagokionez. Horretarako:

- Paperean, webgunean, App-en edo ikus-entzunezkoan egingo den jarduera orok eduki beharko du berariazko aipamen edo erreferentzia hau: proiektu hau diruz lagundu da

Energiaren Euskal Erakundearen laguntza programaren barruan. Euskarri horietan Energiaren Euskal Erakundearen logotipoa jarriko da. Energiaren Euskal Erakundearen logotipoa eskuragarri izango da EEEn webgunean, formatu bektorialean eta gaurkotuen egongo den azken bertsioan.

- Hedabideetan diruz lagundutako proiektua sustatzeko komunikazio jarduera guztiak Energiaren Euskal Erakundearekin era koordinatuan eta horri haien berri emanez egingo dira.
  - Diruz lagundutako instalazioak edo prototipoak Energiaren Euskal Erakundearen logotipoa eduki beharko du, leku nabarmen eta ikusgai batean, jarriko den material edo azaleraren arabera tamaina eta eskala egokiarekin. Energiaren Euskal Erakundearen logotipoarekin batera beste batzuk erakutsiz gero, EEEna, gutxienez, gainerakoen artean altuera eta zabalera handiena izango duenaren pare izango da.
- k. Gauzatutako eta diruz lagundutako jardueraren ondoriozko informazioa EEEn eskura jartzea, haren emaitzak zabaltzeko xedez, alde biek elkar hartuta alde aurretik.

### **13. Ez betetzea eta dirua itzultzea**

Jasotako diru laguntza osoaren edo zati baten itzultzeari ekingo zaio eta dagozkion berandutze-interesak eskatuko zaizkio (diruaren legezko interesari %25 gehituko zaio, Estatuaren Aurrekontu Orokorren Legeak beste kantitate bat esaten ez badu), diru laguntza ordaintzen zaion unetik edo egunetik itzulketa egiteko erabakia hartzen den data edo egunera arte, LGSen 37. artikuluan xedatutakoa betez. Itzulketa alde edo partzialki egin beharko den kasuetan, aipatutako LGSen 37.2 artikuluan xedatutako graduazio irizpideak kontuan hartuko dira.

Deialdi edo programa honetan ezarritako eskakizunak, aplikatu daitezkeen gainontzeko arauak edo diru laguntza emateko ebazpenean jarritako baldintzak bete ezik, ez betetze espedienteak ireki, eta diru laguntzak ezeztatu eta itzuli egin beharko litzaioke EEEn, berandutze-interesekin batera. Hori guztia, honako legeriak xedatutakoa betez: 1/1997 Dekretu Legegilean xedatutakoari jarraiki eta abenduaren 17ko 698/1991 Dekretuaren II. idazpurua, EAeko Aurrekontu Orokorren kontura emandako diru laguntzen bermeei eta itzulketei buruzko araudi orokorra arautzen duena, eta kudeaketan parte hartzen duten erakunde laguntzaileek bete behar dituzten eskakizunak, arautegia eta betebeharrak finkatzen dituena. Nolanahi ere, horrek ez du salbuesten bestelako zehapen eta lege-egintzetatik.

Errebokatzeko espedienteak hasarazteko eta ebazteko eskumena, eta, hala dagokionean, diru laguntza alde edo osorik itzularazteko, EEEn zuzendari nagusiak du.

### **14. Informazio klausula eskatzailei**

DATUAK BABESTEARI BURUZKO INFORMAZIOA (Datuak Babesteari buruzko 2016/679 EB Erregelamendua betez)	
<b>Tratamenduaren erantzulea</b>	ENERGIAREN EUSKAL ERAKUNDEA (EEE) IFZ: Q5150001E Helbidea: Urkixo zumarkalea 36, 1. solairua, 48011, Bilbo (Bizkaia) Tel.: 94.403.56.00 kontaktua DPD: <a href="mailto:dpd@eve.eus">dpd@eve.eus</a>
<b>Helburua</b>	- Zure laguntza eskaera egikaritu eta kudeatzea, eta, bidezko bada, zure emakidaren ondorioz ezartzen den harremana egikaritu eta kontrolatzea. - EEEnekin harremanetan jartzeko hautatutako hizkuntzari dagokionez, betetzea derrigorrezkoa bada ere, Eusko Jaurlaritzaren hizkuntza politika eta estrategien esparruan erabiliko da datua, eta monitorizazioari eta estatistikari begira baino ez da baliatuko.

DATUAK BABESTEARI BURUZKO INFORMAZIOA (Datuak Babesteari buruzko 2016/679 EB Erregelamendua betez)	
<b>Tratamenduaren legitimazioa eta kontserbazioa</b>	Interesdunaren baimena, eskaera aurkeztearekin batera adierazia. Informazioaren kontserbazioa: eskaera aztertze epearen eta aplikatu behar zaizkion lege-epeen barruan. Laguntza ematen bada, datuak emakida-espeditetan bilduko dira, eta emakida indarrean dagoen bitartean kontserbatuko dira, eta, ondoren, aplikatu beharreko lege-epeen barruan.
<b>Lagapenen hartzaileak</b>	Alor horretan eskumenekoak diren kontroleko erakunde eta agintari autonomiko edo lokalak.
<b>Interesdunen eskubideak</b>	Datuetan sartzeko, datuak zuzendu, ezereztu eta mugatzeko, eramangarritasuneko edo datuen aurka egiteko eskubideak baliatu ahalko dituzu EEEko DPD atalari "datuak babesteko eskubideak baliatzeari" buruzko idazkia bidaliz, dirulaguntzei buruzko araudian ezarritakoarekin bat etor daitekeen neurrian.
	Emandako baimena kentzeko eskubidea dute interesdunek.
	Interesdunek Kontrol Agintarien aurrean erreklamatzeko ( <a href="http://www.avpd.eus">www.avpd.eus</a> Datuak Babesteko Euskal Bulegoa eta <a href="http://www.agpd.es">www.agpd.es</a> Datuak Babesteko Espainiako Agentzia) eskubidea dute.
Onuradunak konpromisoa hartzen du bere laguntza-eskaeran adierazitako proiektuaren kudeaketarekin, eta, bidezko bada, ondorengo egikaritzapenarekin, lotutako edozein pertsona fisiko edo juridikoren edozein datu pertsonal EEeri eman aurretik, dagokion pertsona fisiko edo juridiko horri alde aurretik adierazitakoaren berri emateko eta EEeri datu pertsonalak modu egokian lagatzeko aplikagarriak diren gainerako betekizunak betetzeko.	

## 15. Azken xedapenak

1. EEEren erabakiak izaera administratiboa du, eta administrazioarekiko auzitegiei dagokie EEEk kudeatzen dituen diru laguntzekiko jurisdikzio-eskumena.
2. 2020ko garapen bidean dauden itsasoko energia teknologia berriztagarriak erakusteko eta balioztatze laguntza programa honek emandako diru laguntzari esker egiten diren jardueren irudien erabilera egiteko eskubidea du EEEk.
3. Onuradunak, eskubidearen kudeaketan, aurkeztuko duen dokumentazioan edo informazioan egon daitezkeen akatsen edo errakuntzen erantzukizuna harena baino ez da izango, baldin eta eragiten badie zuzenean diru laguntza eskaera aintzat hartu edo ez hartzeari eta/edo EEEk eman beharko duen diru laguntzaren kantitateari. Horrexegatik, hain zuzen ere, diru laguntza emateko ebazpenean kontuan hartzen den gastuan egon litezkeen aldaketak, gastu efektiboaren gehikuntzan, ez dira inola ere berrikusiko, zenbatekoa areagotzeari begira.
4. Oinarri hauetan azaltzen diren diru laguntzei honako honetan xedatutakoa aplikatuko zaie:
  - 38/2003 Legea, azaroaren 17koa, Diru Laguntzei buruzko Lege Orokorra.
  - 887/2006 Errege Dekretua, uztailaren 21ekoa, Diru Laguntzei buruzko azaroaren 17ko 38/2003 Lege Orokorrari buruzko Arautegia onartzen duena.
  - 1/1997 Legegintza Dekretua, azaroaren 11koa, Euskadiko Ogasun Nagusiaren Antolarauei buruzko Legearen Testu Bategina onartzen duena.
  - Batzordearen 2014ko ekainaren 26ko UE 651/2014 Erregelamendua, zenbait diru laguntza mota barne-merkatuarekin bateragarriak jotzen dituena, Itunaren (DOUE 2014 L 187) 107. eta 108. artikuluen aplikazioaren ondorioz.
  - 39/2015 Legea, urriaren 1ekoa, Administrazio Publikoen Administrazio Prozedura Erkideaz diharduena.

- 29/1998 Legea, uztailaren 13koa, Administrazioarekiko Auzien Jurisdikzioa arautzen duena.
- Aplikagarri izan daitekeen tokiko, autonomi erkidegoko, estatuko edo Europako beste edozein araudi.

## Garapen bidean dauden itsasoko energia teknologia berriztagarriak erakusteko eta balioztatzeko inbertsioen aldeko laguntza programa

- 2020. urtea -

### Eranskinak

- |       |            |   |
|-------|------------|---|
| I.1   | eranskina. | 2020ko diru laguntza eskabidea. Eskatzailearen datuak                                 |
| I.2   | eranskina. | Dokumentazio administratiboa  |
| II.   | eranskina. | Eskatzaileak arauak betetzearen inguruko ardura-deklarazioa eskaeraren egunean        |
| III.  | eranskina. | Eskatu eta/edo emandako diru laguntzei buruzko deklarazioa eskaeraren egunean         |
| IV.   | eranskina. | Enpresatzat hartzeko deklarazioa, 651/2014 Erregelamenduaren arabera                  |
| V.    | eranskina. | Proiektuaren dokumentazio teknikoa  |
| VI.   | eranskina. | Fasea edo proiektua amaitzeko komunikazioa  |
| VII.  | eranskina. | Eskatzaileak arauak betetzearen inguruko ardura-deklarazioa justifikazioaren egunean. |
| VIII. | eranskina. | Eskatu eta/edo emandako diru laguntzei buruzko deklarazioa justifikazioaren egunean   |
| IX.   | eranskina. | Abal eredia   |
| X.    | eranskina. | Aurrekontu eredia   |